



GIG
CYMRU
NHS
WALES

Bwrdd Iechyd Prifysgol
Cwm Taf Morgannwg
University Health Board

Gofal Iechyd Seiliedig ar Werth



**Mae eich canlyniadau iechyd
yn bwysig i ni**

www.bipctm.gig.cymru

CTM.VBHC@wales.nhs.uk

Mae dull **Gofal Iechyd Seiliedig ar Werth** yn golygu y bydd cleifion yn cael eu holi ynglŷn â sut maen nhw'n teimlo a sut mae eu cyflyrau'n effeithio ar eu bywyd, cyn iddyn nhw ddod i'r ysbyty am apwyntiad neu driniaeth ac ar ôl hynny.

Mae'r dulliau yn defnyddio dulliau fel PROM a PREM er mwyn casglu ac adrodd am ddata canlyniadau iechyd.

Ar hyn o bryd, mae BIP CTM yn defnyddio dau blatfform i gasglu'r data hwn. Mae platfform peilot gyda ni ar gyfer PROM, sy'n cael ei gasglu drwy'r platfform DrDoctor, ac ar hyn o bryd rydyn ni wrthi'n gweithredu PREM drwy'r holl Fwrdd Iechyd. Mae hyn yn cael ei wneud trwy ein platfform Civica.

Beth mae PROM a PREM yn ei olygu?

Mesurau canlyniadau a adroddir gan gleifion yw PROM. Mae'n asesu ansawdd ac effaith y gofal sy'n cael ei ddarparu i gleifion o safbwynt y claf.

Mesur profiadau a adroddir gan gleifion

yw PREM. Mae mesur profiad y claf, sy'n cael ei adrodd gan y claf ei hun.



Nod:

Mae ffocws gofal iechyd yn symud i fwrdd o fesur allbynnau a maint y gwasanaeth sy'n cael ei ddarparu, tuag at ffocws ar gyflawni 'gwerth'. Er bod elfen economaidd gref i'r cysyniad o werth gan fod darparwyr gwasanaeth yn ceisio darparu gwasanaethau cost-effeithiol i gleifion, mae ffocws hefyd ar sicrhau bod y gwasanaethau hynny'n darparu gwerth i gleifion.

Pam mae hyn yn bwysig?

Rydyn ni'n rhoi cyfle i gleifion ar draws BIP CTM ddefnyddio mesurau a adroddir gan gleifion er mwyn gwerthuso eu profiad o ofal a chanlyniadau'r gofal hwnnw. Bydd clinigwyr a darparwyr gwasanaeth yn gallu gwella gofal i gleifion sy'n canolbwyntio ar unigolion a defnyddio'r wybodaeth i nodi meysydd ar gyfer gwella gwasanaethau ac i werthuso effeithiolrwydd triniaethau penodol wrth sicrhau manteision iechyd i gleifion.



Mae'n darparu gwybodaeth unigryw ynglŷn ag effaith cyflwr meddygol a'r ffordd y mae'n cael ei drin, a hynny o safbwynt y claf. Pan fyddwn ni'n mesur canlyniadau ac yn adrodd amdanynt, mae hyn yn gallu arwain at welliant ac at fabwysiadu arferion gorau. Bydd hyn yn gwella canlyniadau iechyd i gleifion ymhellach. Mae'n bwysig deall canlyniadau iechyd cleifion, fel ein bod ni'n gwybod bod y gofal rydyn ni'n ei ddarparu yn diwallu eu hanghenion. Mae hyn yn ein helpu i sicrhau ein bod ni'n darparu gofal uchel ei werth.

Sut bydd hyn yn cael ei gyflawni?

Mae PROMs a PREMs yn cael eu casglu trwy gwblhau holiaduron byr ynglŷn â chi a'ch gofal.

Mae modd cynnal PROM ar-lein ac yn y cartref. Byddwn ni'n anfon neges destun atoch chi gyda dolen pan fydd asesiad digidol newydd gyda chi i'w gwblhau. Bydd y cwestiynau PROM hyn yn eich holi chi ynglŷn â'ch symptomau, eich iechyd corfforol ac ansawdd eich bywyd. Bydd eich tîm gofal yn adolygu eich atebion ar-lein.

Mae'n bosib cynnal PREM ar-lein hefyd. Byddwch chi'n cael dolen gyda'ch PROM ar ôl eich apwyntiad neu driniaeth. Bydd posteri ym mhob rhan o'r ysbyty gyda dolen a chod QR. Mae modd cael gafael arno ar ein gwefan hefyd. Fel arall, mae copïau papur ar gael gyda manau gollwng arbennig ledled yr ysbyty.

Pryd y bydd yn cael ei gynnal:

Bydd yr asesiad hwn yn cael ei gynnal ar ddechrau eich gofal iechyd yn Adran Methiant y Galon.

Bydd eich PROM yn dechrau naill ai fel claf mewnol ar y ward, a bydd yn eich dilyn chi drwy eich cyfnod fel claf allanol, neu bydd yn cychwyn pan fyddwch chi'n cael eich apwyntiad cyntaf cyn y clinig, a bydd hyn yn eich dilyn nes ar ôl i chi orffen yn y clinig.

Mae'n bosib cynnal y PREM ar unrhyw adeg a sawl gwaith yn ystod eich gofal iechyd. Rydyn ni'n deall sut mae profiadau pobl yn gallu newid wrth ddefnyddio ein gwasanaethau, a hoffem ni fonitro'r newidiadau hyn a gweld ble mae'r newidiadau hyn wedi gwella neu ddirywio. Mae rhagor o wybodaeth a chwestiynau cyffredin gan gleifion i'w gweld ar ein gwefan

